

# MAJLIS TILAWAH AL-QURAN UMS

Disediakan oleh Siti Aisah Umat

Pada 30 September hingga 2 Oktober 2009, Exco Kerohanian dan Kebajikan Persatuan Mahasiswa/i Sekolah Pendidikan dan Pembangunan (pGURU) dengan kerjasama Hal Ehwal Pelajar (HEP) telah menganjurkan Majlis Tilawah Al-Quran Universiti Malaysia Sabah 2009 (MTQ UMS) bertempat di Dewan Resital. Program ini turut mendapat kerjasama penuh dari Jabatan Kemajuan Islam Sabah (JAKIM) serta kerjasama dari Jabatan Hal Ehwal Agama Islam Negeri

Sabah (JHEAINS). Dengan objektif mengeratkan silaturahim dan integrasi persaudaraan di kalangan Mahasiswa/i UMS, program ini mendapat sambutan yang amat menggalakkan. Program ini merupakan julung kalinya dianjurkan oleh pGURU dan melibatkan penyertaan daripada semua sekolah di UMS.

Seramai 21 orang peserta telah mengambil bahagian yang mana 11 orang peserta Qari

dan 10 orang peserta Qariah. Johan kategori Qari telah dimenangi oleh Jubair bin Juhanin dari Sekolah Sains Teknologi (SST) dan bagi kategori Qariah pula, johan telah disandang oleh Norazimah binti Mohd Hirin dari Sekolah Pendidikan dan Pembangunan Sosial (SPPS). Program seumpama ini diharapkan diteruskan lagi bagi mencungkit bakat-bakat baharu dalam bidang Tilawah Al-Quran.